



古今事文類聚

後集
一之三

~~98
24~~

道遙文庫
文庫 6
28
24





新編古今事文類聚後集卷之一

建安 祝穆 和父 編

建業 唐富春 子和 梓

人倫部

宗族 同姓通譜 不肯通譜 妄認譜系 以上並附

群書要語 以親九族注 上至高祖 下至玄孫 夏侯歐陽等以為

九族者父族四 母族三 妻族二 堯典疏 角弓 刺幽王也 不親九族 骨肉相怨 小雅 葛藟 王族刺平王也 周室道衰 棄其九族 同 豈無他人 不如我同姓 杖杜

古今事實

事文類聚後集

散金宗族

疎廣棄官歸家日冷家具酒食請族人故舊賓客相與娛樂居
歲餘廣子孫竊謂廣所愛信老人曰子孫欲及君在時頗立產
業今日飲食費且盡願丈人勸說買田宅老人以間為廣言此
計廣曰吾豈老耄不念子孫哉使賢而多財則損其志愚而多
財則益其過且此金聖主惠養老臣也宗族共享其賜盡吾餘
日不亦可乎

三世共財

樊重世善農稼好殖貨三世共財上下戮力財利歲倍貨至鉅
萬外孫何氏兄弟爭財重耻之以田二頃解其忿訟後樊宏傳

北富南貧

阮咸與籍居道南諸阮居道北然北阮富而南阮貧詳見七夕門

百口同爨

魏楊道一家之內男女百口總服同爨庭無間言北史

妻勸異居

劉君良四世同居隋末荒饑妻勸異居因易置庭樹鳥巢令闢
且鳴妻曰天下亂禽鳥不相容况人耶君良即與兄弟異居月
餘知其謀斥去妻召兄弟流涕以出復同居

同居書忍

唐張公藝九世同居高宗有事泰山臨幸其居問本末公藝書
百忍字以對孝友傳

三世同爨

事文類聚後集 卷之一

博陵崔儁總麻親三世同爨貞元以來言家法者以儁為首生
六子一登輔相五任大僚太常卿邠太府卿鄴外臺尚書郎鄴
廷尉卿郇執金吾鄩左僕射平章事鄩而邠及鄴五知貢舉得
七百四十人邠昆仲自貴達亦同居光德里一宅

擊鼓會飯

裴寬兄弟八人於東都置八院相對甥姪亦有名常擊鼓會飯
犬亦共牢

江州陳氏宗族七百口每食設廣席長幼以次坐而食之有畜
犬百餘亦共牢食一犬不至諸犬為之不食小學
計口給餉

李昉家子孫數世至二百餘口猶同居共爨田園邸舍所收及

有官者俸祿皆聚之一庫計口日給餉

緡遺親族

范文正公自政府歸姑蘇焚黃搜外庫惟有緡三千疋令掌吏
錄親戚及閭里知舊自天及小散之皆盡曰宗族親戚見我生
長幼學仕行爲我助喜我何以助之哉厄史

自叙宗衮以下係同姓通譜

謝康樂稱太傅為宗衮

與巫通譜

唐趙彥昭遷中書侍郎同平章事以權倖進中宗時有子趙狹
鬼道出入禁掖彥昭以姑事之其得宰相巫也
尊為父兄

李義甫已貴乃言系出趙郡與諸李叙昭穆嗜進者往往尊為父兄給事中李崇引與同譜既謫普州亟削去

呼為叔父

羅威賦詠甚有情致錢塘人羅隱有詩名威遣使賂遺自叙宗姪呼為叔父六帖

同譜復合

會稽黃渥與庭堅皆出於婺州之黃由七世以上失其譜以年相望與渥相近復以兄弟合宗山谷作黃育字序

不許通譜以下係不許通譜

杜正倫求與城南諸杜同譜不許街之諸杜所居號杜固其地有旺氣故世衣冠正倫既執政建言鑿杜固通水利既鑿川流

如血閱十日止自是南杜不振

不妄認祖

狄青為樞密使有狄梁公之後持梁公畫像及生身十餘通謂青獻之以謂青之遠祖青謝之曰一時遭際安敢自附梁公厚贈而還之比之郭崇韜哭子儀之墓所得多矣筆談

遙遙莖胃以下係妄認譜系

梁何昌胤為吏部尚書有姓閱求官者昌胤問君是誰後答曰子鸞後昌胤掩口笑曰遙遙莖胃

認郭汾陽

五代唐郭崇韜為樞密使用事自宰相豆盧革等皆附之以其姓郭因問崇韜曰汾陽王本太原人徙華陰公家世鴈門豈其

枝派耶。崇禎曰：因遭亂亡，失譜牒，嘗聞先人言上距汾陽四世耳。華曰：然則固從祖也。

通譜方相

唐有士人姓方，好於門第，但姓方貴人必認為親戚，或戲之曰：豐邑方相何親？過曰：再從伯氏戲者，笑曰：既是方相姪，只堪嚇鬼。蓋豐邑坊乃造凶器出賣之地。

妄認遠祖

有一故相，遠派在姑蘇，因嬉遊書其壁曰：大丞相再從姪某嘗遊至此。有士人李璋素好訛謔，題其後曰：混元皇帝三十七代孫李璋繼至。筆談。

古今文集

雜著

族譜引

蘇明允

蘇氏族譜譜蘇氏之族也。蘇氏出於高陽而蔓延於天下。唐神堯初，長史味道刺眉州卒于官。一子留於眉，眉之有蘇氏自此始。而譜不及者，親盡也。親盡則曷為不及？譜為親作也。凡子得書而孫不得書者，何也？以著代也。自吾之父以至吾之高祖，仕不仕，娶某氏，享年幾，某日卒，皆書。而它不書者，何也？詳吾之所自出也。自吾之父以至吾之高祖，皆曰：諱某而它則遂名之。何也？真言之所自出也。譜為蘇氏作，而獨吾之所自出得詳與尊何也？譜吾作也。嗚呼！觀吾之譜者，孝弟之心可以油然而生矣。情見於親，親見於服，始於縗而至於緦，麻而至於無服，無服則

親盡親盡則情盡情盡則喜不慶憂不弔喜不慶憂不弔則塗人也吾所與相視如塗人者其初兄弟也兄弟其初一人之身也悲夫一人之身分而至於塗人吾譜之所以作也其意曰分於塗人者勢也勢吾無如之何也幸其未至於塗人也使其無至於忽忘可也嗚呼觀吾之譜者孝弟之心可以油然而生矣系之以詩曰

吾兄之子

今為吾兄

吾疾在身

兄呻不寧

數世之後

不知何人

後死而生

不為戚欣

兄弟之情

如足於手

其能幾何

彼不相能

彼獨何心

蘇氏族譜亭記

蘇明允

匹夫而化鄉人者吾聞其語矣國有君邑有大夫而爭訟者訴於其門鄉有庠里有學而學道者赴於其家鄉人有為不善於室者父兄輒相與恐曰吾夫子無乃聞之嗚呼彼獨何脩而得此哉意者其積之有本末而施之有次第耶今吾族人猶有服者不過百人而歲時蜡社不能相與盡其懽欣愛洽稍遠者至不相往來是無以告吾鄉黨隣里也乃作蘇氏族譜之亭於高祖墓塋之西南而刻石焉既而告之曰凡在此者死必赴冠娶必告少而孤則老者字之貧而無歸則富者收之而不然者族人之所共誚責也歲正月相與拜奠於墓下概奠列坐於亭其老者顧少者而嘆曰是不足見鄉隣風俗之美矣自吾少時見有為不義者則眾相與疾之如見穢物焉慄焉而不寧其後少

義也猶相與笑之。今也則相與安之耳。是起於某人也。夫某人者是鄉之望人也。而大亂吾俗焉。是故其誘人也速。其為害也深。自斯人之逐其兄之遺子而不卹也。而骨肉之恩薄。自斯人之多取其先人之貲田而欺其諸孤子也。而孝弟之行缺。自斯人之為其諸子所訟也。而禮義之節廢。自斯人之以妾如其妻也。而嫡庶之別混。自斯人之篤於聲色而父子離處。謹諱不嚴也。而閨門之政亂。自斯人之黷財無厭。惟富者之為賢也。而廉耻之路塞。此六行者。吾時所謂太慙而不容者也。今無知之人皆曰。某人何人也。猶且為之。其輿馬赫奕。婢妾靚麗。以欺罔君子。是州里之太盜也。吾不敢以告鄉人。而私以戒族人也。彷彿於斯人之一節者。願無過吾門也。予聞之懼。而請書焉。老人曰。

書其事而缺其姓名。使他人觀之。則不知為誰。而而夫人之觀之。則面熱內慙。汗出而食不下也。且無彰之庶。其有悔乎。予曰。然乃記之。

義田記

錢公輔

范文正蘇人也。平生好施予。擇其親而貧疎而賢者。咸施之。方貴顯時。置負郭常稔之田千畝。號曰義田。以養濟群族之人。日有食歲有衣。嫁娶凶葬皆有贍。擇族之長而賢者。主其計。而時其出納焉。日食人一升。歲衣人一縑。嫁女者五十千。再嫁者三十千。娶婦者三十千。再娶者十五千。葬者如再嫁之數。葬幼者十千。族之聚者九十口。歲入給稻八百斛。以其所入給其所聚。沛然有餘而無窮。仕而家居俟代者。與焉。仕而居官者。罷其給。

此其大較也。初公之未貴顯也，嘗有志於是矣，而力未逮者二十
年。既而為西帥，及參大政，於是始有祿賜之入，而終其志。公
既歿，後世子孫脩其業，承其志，如公之存也。公雖位充祿厚，而
貧終其身，歿之日，身無以為殮，子無以為喪，惟以施貧活族之
義遺其子而已。昔晏平仲敝車羸馬，桓子曰：「是隱君之賜也。」晏
子曰：「自臣之貴，父之族無不乘車者，母之族無不足於衣食者，
妻之族無凍餒者，齊國之士待臣而舉火者三百餘人。如此而
為隱君之賜乎？」彭君之賜乎？于是齊侯以晏子之觴，而觴桓子。
予嘗愛晏子，好仁齊侯，知賢而桓子，服義也。又愛晏子之仁，有
等級而言有次第也。先父族，次母族，次妻族，而後及其疎遠之
賢。孟子曰：「親親而仁民，仁民而愛物。」晏子為近之。今觀文正之

義田，賢於平仲，其規模遠矣。又疑過之。嗚呼！世之都三公，位享萬
鍾，祿其邸第之雄，車輿之飾，聲色之多，妻妾之富，止乎一已而
已，而族之人不得其門而入者，豈少哉？况於施賢乎？其下為鄉
為大夫，為士廩稍之充，奉養之厚，止乎一已而已，而族之人操
壺為溝中瘠者，又豈少哉？况於他人乎？是皆公之罪人也。公之
忠義滿朝廷，事業滿邊隅，功名滿天下，後必有史官書之者，予
可略也。獨高其義，因書以遺於世云。

劉氏義學訓

朱元晦

始予守南康，隣境德安有寧馬為政，一本儒術，甚以惠愛得其
民，歲饑為請蠲租，而州家不可，顧民狼狽相驚，有逃去者，則亟
使人追止之，曰：「所不為若等力請于州，必蠲十士者，令寧委印

綬去終不忍使若等為異鄉鬼也。民間是令下為之感泣復相與携而歸。衆乃具以情白。州若部刺史竟得如約。乃已。予聞而切心善之。而問其邑里姓名。則曰：玉山劉侯也。南康屬邑有越德安而懸隸者。每遺椽吏循行。則必戒使謁劉侯。觀其荒政所施。以為法。於是劉侯之惠不止行其封內。而又波及南康之境。竟食斯民得無流亡殍死者。及予將終。更乃得納謁劉氏之館。而拜賜焉。則望其貌聽其言。而有以信其為君子人也。後數歲。予以事過玉山。則劉侯以待次家居。復得相見。如平生歡。一日慨然語予曰：吾家本單貧而入仕。又甚晚。顧無以仁其三族者。間嘗割田立屋。聘知名之士。以教族子弟。而鄉人之願學者亦許造焉。兄弟之間有樂以其貲來助者。而吾猶懼其或不繼也。

則又出新安餘俸為之。發舉居積以佐其費。而凡所以完緝。且隴周卹族姻者。亦取具焉。既已言於吾州。而邦君吳侯樂聞之。為之出教刻符。以詔吾之子孫。使毋違吾志。吾子雅知我其為。我記之以告其教學於此者。使知有以勉焉。予聞而嘆曰：公士大夫或徒步至三公。然一日得志。則高臺深池。撞鐘舞女。所以自樂其身者。惟恐日之不足。雖廩有餘。粟府有餘。錢能無為州里災害則足矣。固未暇以及入也。如劉侯者。身雖寵而官未登於六品。家雖溫而產未能千金。顧其所以用心。乃如此。是則可謂賢達於人。而亦可以見其前日德安之政。不為無本。而匪以聲音笑貌為之矣。乃追本其事而記之。如此。雖然。古人之所謂學者。豈讀書為文。以干利祿。而求溫飽之云哉。亦曰明理以脩。

身使其推之可以及夫天下國家而已矣群居於此者試以此
意求諸六經孔孟之言而深思力行之庶其有以不負劉侯之
教也劉侯名允迪字德華云

義莊記

陸務觀

東陽進士陳君德高因吾友人呂君友德來告曰德高不幸早
失先人舉進士又輒斥念昔先人進德高輩於學蓋將使之事
君使之字民以廣我先人之志顧雖自力而不合於有司之繩
尺其如遂負所期望付託生何面以奉祭草死何辭以見吾親
於地下不獲於仕進爲時甫爲豐年矣獨不可退而施於宗族
乎於是欲爲義莊畧用范文正公之樂度而稍增損之以適時
變敢求文於執事者且載其事於碑予復之曰美哉吾子之志

也人之情於其宗族遠則疎之彌遠則益疎而至於忘之蓋以
身爲親疎而不以先人爲親疎也視兄之子已或不若己之子
己之子與兄之子自吾父視之有異乎能以父之心爲心則已
之子與兄之子且不知其同異矣推而上之大父之孫爲從父
兄弟曾父之曾孫爲從祖兄弟又推而上之至於無服雖天下
長者不能無親疎之殺矣於乎制服不得不若是也若推上世
之心愛其子孫欲使之衣食給足婚嫁以時欲使之爲士而不
欲使之流爲工商降爲皂隸去爲浮圖老子之徒則一也死而
有知豈以遠而忘之哉義莊之設蓋基於是然舉天下之能爲
是者有幾非以爲不美而不爲也力不足也若陳君者自其先
人勤勞節約以致饒餘而陳君不敢私有之其地在滕頭昭福

寺之傍初期以千畝今及十之七而吾地在滕頭者止此比隣
感其義皆欲期年間貿易以成之又植桑畜牛築堤以豐衣食
之源其詳見禪陰又有最當慮者吾子之心則盡矣後人或貪
而專利或蓄而吝出或夸而廣費或挾長挾壯挾有力之助而
敗約非有司者別白之則莊且壞不支府牧邑長承椽曹吏及
鄉之鄉大夫先生處士其必綱維主張之使久而如一日陳氏
布衣也其貲產非能絕出一鄉之上而義倡於鄉如此吾徒仕
於朝宦于四方雖未必皆厚祿然聞陳氏之風不知愧且慕者
豈人情也哉于是併書以遺焉君之先君子蓋諱士澄字彥清
云

時黨會族

謝昌國

凡人家法須令每有族人遠來則為一會以會族雖無事亦當
一月為之古人有花樹韋家宗會法可取也然族人每有吉凶
嫁娶之類亦須更相為禮使骨肉之意常相近骨肉日疎者只
為不相見情不相接也 善勸錄

古詩

命子

陶潛

悠悠我祖爰自陶唐邈為虞賓世歷重光御龍勤夏承韋翼商
穆穆司徒厥族以昌紛紜戰國漠漠衰周鳳隱於林幽人在丘
逸虬遶雲奔鯨駭流天下有漢眷余愍侯謂陶令見功臣表於赫
愍侯運當攀龍撫劍夙邁顯茲武功書誓山河啓土開封登臺
丞相謂陶青見功臣表允迪前蹤渾渾長源鬱鬱洪柯群川載

道衆條載羅時有語默運因隆宏在我中葉樟桓長沙謂陶侃也
惟茲長沙伊勲伊德天子疇我專征南國功遂辭歸臨寵不忒
孰謂斯心而近可得肅矣我祖慎終如始直方二臺惠和千里
於穆仁考淡焉虛止寄跡風雲真茲愷喜嗟余寡陋瞻望非及
顧慚蓬髮負影隻立後段見姓名門

贈長沙公族祖一首 并序

陶潛

長沙公於余爲族祖同出太司馬昭穆既遠已爲路人經過壽陽臨別贈此

同源分派人易世疎慨然悟歎念茲厥初禮服遂悠歲月湫俎感彼行路眷焉躊躇於穆令族允構斯堂諸氣冬輝映懷圭璋爰采春花載警秋霜我曰飲哉實宗之光伊途云邁在長忘商

笑言未久逝焉西東遥想湘渚滔滔九江山川阻遠行李時通何以寫心昭茲話言進實雖微終在爲山敬哉離人臨終悽然歎襟或遼音問其先

示從孫濟

杜甫

平明跨驢出未知適誰門權門多噂沓且復尋諸孫諸孫貧無事宅舍如荒村堂前自生竹堂後自生萱萱草秋已死竹枝霜不繁淘米少汲水汲多井水渾刈葵莫放手放手傷其根阿翁懶惰又覺見行步奔所來爲宗族亦不爲盤飧小人利口實薄俗難其論勿受外嫌猜同姓古所敦

律詩

吾宗

杜甫

吾宗老孫子質朴古人風耕鑿安時論衣冠與世同在家常早起憂國願年豐語及君臣際經書滿腹中

贈益陽成之主簿并引

黃魯直

予之竄嶺南道出衡陽見主簿君益陽黃成之問宗派乃同四世祖兄于是出嫂氏子婦相見喟然念高祖父之兄弟未遠也而殊鄉異井六十歲而後相識亦可悲也益陽兄之叔父晦甫侍御在家著孝友之譽立朝有忠鯁之名不幸年五十有四被召而沒於道上將啓手足自力作疏極論濮園事所謂歿而不忘諫君以德其枝葉必將豐茂有赫赫於世者故作詩道之兩祖門中種陰德名塞四海世有人諸兒莫斷詩書種解有無雙從耳縉紳

又

人間那相何足道曾次詩書要不忘男兒邂逅起屠釣何如林

中日月長

詩話

不重宗盟

陶淵明有贈長沙公詩序云予於長沙公為族祖向出太司馬昭穆既遠已為路人故其詩云同源分流人易世疎感彼行路眷焉躊躇蓋深傷之也杜子美訪從孫濟而不免於防猜故其詩云所來為宗族亦不為盤飧小人利口實薄俗難具論勿受外嫌猜同姓古所敦觀長沙公及濟則尊祖之義掃地矣前語

陽秋

姓氏

群書要語別生分類注生姓也別其姓族分其類使相從舜典

錫土姓注以所生之土賜之為姓故天子建德因生以賜姓謂

有德之人生此地以此地名賜之姓以顯之禹貢姓者生也以

此為祖令之相生雖下及百世而此姓不改族者屬也與其子

孫共相連屬其旁支別屬則各自為氏左隱公疏天子賜姓命

氏諸侯命族族者氏之別名也姓者所以統係百世使不相別

也氏者所以別子孫之所出故世本之篇言姓則在上言氏則

在下也史紀注

古今事實

帝王同姓

五帝三王自黃帝至舜禹皆同姓而異其國號以章明德故黃

帝為有熊顓帝為高陽帝譽為高辛帝堯為陶唐帝舜為有虞

禹為夏后而別姓姒氏契為商姓子氏稷為周姓姬氏史舜紀

以土為氏

炎帝之妻黃帝之姬因始所生地而為之姓唐張說傳舜由媯

汭故陳為媯姓史穆王使造父攻徐偃王破之乃賜以趙城由

此為趙氏史

以封為氏

文王封子時叔於沈其後為沈氏太公望本姓姜氏封於呂

故曰呂尚其後為呂氏武王封太伯魯孫於閭其後為閭氏

通雅類聚卷之十一

晉穆侯封少子成師於韓其後為韓氏 晉獻公封畢萬於魏其後為魏氏 宋公子段食於褚其後為褚氏 宋太公食於蕭其後為蕭氏 楚賁皇食於苗其後為苗氏 晉叔向食於楊其後為楊氏 杞之後食於婁故後為婁氏 越之後食於歐山之陽故後為歐陽氏

以名為氏

陳伯袁之後為袁氏 齊公子高之後為高氏 衛公子惠孫之後為孫氏 宋公子樂父之後為樂氏 宋司寇牛父之後為牛氏 魯閔子騫之後為騫氏

以官為氏

祭仲初為祭封人守封疆者後以為氏 漢孝文帝時居官者長

子孫以官為氏倉氏庫氏則倉庫吏之後也

以字為氏

隱八年無駭卒羽父請謚與族公問族於衆仲衆仲答曰天子建德因生以賜姓胙之土而命之氏諸侯以字為謚因以為族官有世功則有官族邑亦如之公命以字為展氏

以物為姓

伯陽生於李樹下遂指李樹為姓 馬援其先趙奢為趙將能馭馬號馬服君後之子孫因以為氏 第五倫其先諸田徙園陵多以次第為氏 陸羽不知所生或言有僧得之水濱畜之既長以身自筮得蹇之漸曰鴻漸於陸其羽可用為儀遂以陸為氏羽為名而字以鴻漸

以字而訛

周封高陽之後於邾後為楚所滅子孫乃去邑而氏朱周武
王子邾叔子孫以國為氏其後去邑而氏于東皆本疎廣之
後曾祖避難去足為東民儀本姓氏孔融嘲之曰氏字民無
上可改為民徐衆評曰古之建姓或以所生或以官號或以祖
今離析文字橫生忌諱是誣祖也吳志 藁據避仇改為棘文
潞公本姓敬其曾大父避石晉高祖諱更姓文至唐復姓敬入
宋其大父避翼祖諱又更姓文初敬氏避諱各用其一偏或為
文氏或為苟氏然敬字從著音棘非苟也從支非文也俱非其
一偏也聞見後錄

以聲而訛

蔡伯喈作郭林宗碑曰其先出自周王季遷國命氏或謂之郭
即其後也魏初莫護跋率部落入居西遼時燕代多冠步搖
冠諸部因謂之步搖後音訛為慕容且以為氏前燕錄 嵇康本
奚氏後奚易而為嵇唐辛替否本夏啓封支子於辛辛聲
相近遂為辛氏本傳注

因事而改

車千秋本齊田氏千秋以年老得乘小車出入省中時人謂之
車丞相子孫因以為氏賀姓本齊之公族慶封之後漢侍中
慶純避安帝諱改為賀氏唐源乾曜本禿髮傳擅之子賀入
後魏魏太祖謂之曰與鄉同源氏遂以為氏乾曜蓋其後也傳注
唐席豫席出安定其先姓藉避項羽諱改姓席氏

更身姓名見後姓名門

冒姓不一

漢灌孟本張氏後為灌嬰舍人冒姓灌氏 衛青父鄭李給事
陽信公主家奴與衛媼通生青故冒姓衛 婁敬勸高祖都關
中賜姓劉 夏侯嬰為滕公隨母養外家因姓孫氏 鄭注本
姓魚冒為鄭故當時號魚鄭及用事人號為水族 負半干其
先本彭城劉氏十世祖凝之仕宋及齊受禪奔元魏自比伍員
因姓員氏 李元亮本姓安氏少為駱奉先養息冒姓駱氏
李勣本姓徐氏後賜姓李封英國公 李抱王本姓安名重璋
元宗以其戰河西有功賜姓李改名抱王 五代劉知遠其先
沙陀部人冒姓劉氏 石敬瑭其父梟振雞本出於西夷其姓

石氏不知其始

作氏族志

唐太宗詔高士廉與谷文本等賡天下譜謀詳考史傳作氏族志

號肉譜

李守素為舍曹參軍通姓氏學號肉譜虞世南與論人物歎曰
肉譜定可畏許敬宗曰此名豈雅日耶世南曰昔任彥昇通經
時稱五經笥今以舍曹為人物志可乎

為世譜

歐陽文忠公蘇明允各為世譜文忠依漢年表明允以禮太宗
小宗為次雖例不同然皆足以考其世次余切惟文忠所謂不
知姓之所自而昧昭穆之叙則禽獸不若也其譏誚世之人可

可謂至矣。然歐陽氏得姓凡幾年。其間文學之士蓋亦多矣。文忠始為之譜。斯言恐未為得也。塵史

古今文集

雜著

論氏有九

凡氏之興九事。賜氏於國。齊魯宋衛也。賜氏於謚。戴武宣也。賜氏於號。唐虞夏商也。賜氏以官。則若司寇司馬。賜氏以爵。則若王孫公孫。賜氏以字。則若孟孫叔孫。賜氏以居。則若東門西門。三為五鹿。以志賜也。巫氏匠陶。以事賜也。潛夫論

姓氏更易

譜牒之不明也久矣。自晉東渡。五胡亂中原。衣冠離散。而致然

也。夫京房之先李姓也。牛弘之先遼姓也。疎之後乃為東民之。後乃為氏。閩人避王審之諱。則沈氏去水而姓尤。南中多危氏。有惡其稱者。或改為元。如此之類甚多。元魏據洛。諸虜喜中原之姓。而冒之者益眾。則譜不可以不知也。塵史

姓氏不同

呂伯恭

三代之時曰姓者。統其祖考之所自出者也。百世而不變者也。曰氏者。別其子孫之所自分者也。數世而一變者也。天子建德。因生以賜姓。其得姓雖一。而子孫別而為氏者。不勝其多焉。有以王父之字為氏者矣。有以先世之謚為氏者矣。有以所居之官為氏者矣。有以始封之邑為氏者矣。枝分派別。千塗萬轍。初若參錯紛亂。而難考。及徐而視之。有綱有條。猶指諸掌焉。孟仲

季城東門子叔同出於魯也。游國封印公父伯張同出於鄭也。向華蕩樂鱗魚仲老同出於宋也。樂高崔國叔仲東郭同出於齊也。尋其流可以知其源，尋其葉可以知其根，抑何易耶？自秦漢以來，氏族之制出於上之所賜，下之所更者，絕無而僅有。至於世守一氏，傳千餘年而不變者，天下皆是也。其變非若古之屢其列，非若古之多，可謂簡而易知者矣。然人宗有能辨氏族之源者，王之氏一也，吾不知出於元城之王耶，宜春之王耶，邛城之王耶，劉之氏一也，吾不知出於陶唐之劉耶，奉春之劉耶，元海之劉耶。其能明辨而不惑者鮮矣。氏之馬者，未必能辨其為馬服之馬，及馬矢之馬也。氏之石者，未必能辨其為周衛之石，及後趙之石也。古之氏族繁而知之者反多，今之氏族簡而

知之者反少。蓋由譜牒之明與廢而已。以是知譜牒之學不可不講也。

分別姓氏

問姓氏如何分別。曰：姓是大總腦處，氏是後來次第分別處。如魯本姬姓，其後有孟氏季氏，同為姬姓，而氏有不同。某嘗言天子因生以賜姓，諸侯以字為謚，因以為族。切恐謚本氏字，先儒隨他錯處，解將去，義理不通。且如舜生于媯汭，武王遂賜陳胡公滿為媯姓，此即因生以賜姓也。如鄭之國氏，本于國之後，駟氏本于駟之後，如此之類，所謂以字為氏，因以為族也。朱語錄

攸宜宜之于嘏永言保之儀禮

寺名 功曹上其言是日當登名韓 兒童誦君實走卒知司馬坡

問之不肯道姓名杜 不通姓字龐 豪甚杜 南宮起草舊 連名韓

故人漸遠無消息古寺空來看姓名坡 我名公字偶相同荆公

古今事實

父母史無姓名

前漢去古未遠風俗質略故太上皇無名母媪無姓然唐宰相世系表叙劉氏所出云晉士會適秦歸晉有子留于秦自為劉氏秦滅魏徙大梁生清徙沛生仁號豐公生瑞字執嘉生四子伯仲邦交邦漢高祖也高祖之父漢史不載而其名唐史乃載之亦可一笑演繁露

欲逃姓名

後漢韓康伯字伯休賣藥長安市時有女子從康買藥康守價不移女子怒曰公是韓伯休耶乃不一價乎康歎曰我本欲逃名今小女子皆知我何用藥為

不告姓名

李白失意遊華山縣宰方開門決事白乘醉跨驢過門宰怒不知太白也引至庭下曰汝何人輒敢無禮白乞供狀無姓名曰曾用龍巾拭吐御手調羹力士脫靴貴妃捧硯天子殿前尚容吾走馬華陰縣裡不得我騎驢披遺錄

草木知名

德宗徙張萬福為濠州刺史曰先帝改爾名正者所以褒也朕

事類彙編後集 卷之二
謂江淮草木亦知爾威名因復賜舊名

虞問姓名

裴度討吳元濟平淮西以功封晉國公名震四夷使外國者其君長必問度年幾狀貌孰似本傳

名覆金甌

元宗每命相皆先書其名一日書琳等名覆以金甌會太子入帝問之太子曰非崔琳盧從愿乎帝曰然

書名探丸

宣宗命相必探中外有入望者二兩人姓名然之成丸致香案上以物覆之焚香探丸始命草麻

探名瓶中

五代盧文紀形貌魁偉廢帝奇之及帝立欲擇相悉書清望官姓名內琉璃瓶中夜焚香告天以筋探之首得文紀欣然相焉惡其姓桑

桑維翰舉進士主司惡其姓桑喪同音人勸勿舉進士維翰著日出扶桑賦以見志又鑄鐵硯曰硯散則改而他仕卒及第

虜敬司馬

遼人夏人遣使入朝與吾使至虜中者虜必問公起居及為相遼人勅其邊吏曰中國相司馬謹毋生事開邊隙

婦孺知名

司馬公上疏論新法利害曰後當如是行之十餘年無一不如公言者天下傳誦以公為真宰相雖田父野老皆號司馬公而

婦人孺子知其為君實也 行狀

名聞宮禁

王樞密疇之夫人梅鼎臣之女也景德初梅夫人入謝慈壽宮太后問夫人誰家子對曰梅鼎臣女太后笑曰是聖俞家乎由是始知聖俞名聞宮禁也 歸田錄

醉人不識

東坡云自得罪以來深自閉塞扁舟草屨放浪山水間與漁樵雜處往往為醉人所推罵輒自喜漸不為人識平生親友無一字見及有書與之亦不答自幸庶幾免矣 田李端叔書

兩曾參

以下係姓名偶同

有與曾子同姓名者而殺人人告曾子之母母曰吾子不殺人

織自若若項馬人又曰曾參殺人其母尚織自若也頃之又一人告之曰曾參殺人其母懼投杵踰牆而走 戰國策

兩毛遂

野人毛遂墜井而死客以告平原君平原君曰嗟乎天喪子矣既而知非真毛遂 西京雜記

兩子夏

杜欽字子夏少好經書家富而目偏盲茂陵杜鄴與欽同姓字俱以材能稱京師故衣冠謂欽為盲子夏以相別欽惡以疾見詆乃為小冠高廣財二寸由是京師更謂欽為小冠杜子夏而鄴為大冠杜子夏云 本傳

兩孟公

陳遵字孟公時列侯有與遵同姓字者每至人聞曰孟公坐中莫不震動既至而非因號其人曰陳驚坐云

兩韓翊

韓翊唐德宗時制誥缺入上批曰與韓翊時有與翊同姓名者為江淮刺史所司具二人同進上復批曰春城無處不飛花寒食東風御柳斜與此韓翊

二人同名

顧雍字元歎蔡伯喈異之謂曰鄉必成名今以吾名與鄉故雍與伯喈同名後魏游肇為廷尉時尚書令高肇宣武之舅以肇名與已同欲令改易肇以孝文所賜守正不許高甚銜之往時學士入劄子不着姓但云學士臣某先朝盛度丁度並為

學士遂着姓以別之其後遂皆着姓歸田錄

子名類父

杜相鴻漸之父名鵬舉父子而似兄弟之名蓋有由也鵬舉嘗夢有所之見一大碑云是宰相碑已作者金填其字未作者刊名於柱上因問有杜家見否曰有任自看之記得柱下有鳥偏旁曳脚而忘其字乃名字為鴻漸而謂之曰汝不為相即汝之名字當為旁而曳脚也各字且前定况官與壽乎

名同古帝

德宗使入諭陸贄曰苗蔡父晉卿往年攝政有不臣之言諸子皆與古帝王同名今不欲明行斥逐兄弟各宜降外官贄奏曰凡有諸想之輩多非信實之言

真文忠德秀，太學衍義云：趙堯李舜未聞為逆於當時，王莽曹操不假襲名於前代而諛者以此誣之，可謂察矣。使無宣公庸得免乎？宋仁宗時，宋郊以名儒進用，有諛之者曰：「姓符國號名應郊，天郊不自安，改名曰庠。」然仁宗未嘗疑之，而不命之相也。欲堅諛說者，其必以仁宗為法。
改名作相，以下係更身姓名。

范睢事魏中大夫須賈，賈為魏昭王使於齊，襄王聞睢辯口，乃使人賜金十斤及牛酒。睢辭謝不受，賈聞之大怒，以為睢持魏國陰事告齊，故得此饋。既歸，以告魏相魏齊，齊大怒，使舍人笞擊睢，折箠擗齒。睢佯死，即卷以箆置廁中。賓客飲者醉更溺睢，及得出，伏匿更名姓曰張祿。既相秦，魏謂秦相張祿而不知

其為范睢也。秦東伐韓，將及魏，魏使須賈求成於秦。睢聞之，微行敝衣間步之。邸見賈，賈驚曰：「范叔固無恙乎？」曰：「臣為傭賃，賈良之。」留坐與飲，更取一綈袍賜之。因問曰：「秦相張君公知之乎？」睢曰：「主人翁習知之。」唯睢得謁，願為君借大車駟馬辭歸。取大車駟馬為賈御之，入相府。睢先入，賈待之良久，問門下曰：「范叔不出何也？」門下曰：「此吾相張君何范叔也。」賈大驚，自知見賈，乃肉袒膝行謝罪。睢曰：「爾罪有三，所以得無死者，以綈袍戀戀尚有故人之意，因盡請諸侯使與坐堂上，飲食甚設而坐須賈於堂下，置坐豆其側，令兩黥徒夾而食之，數曰：『為我告魏王，急持魏齊頭來，不然者我且屠大梁。』」

更名去位

范蠡事越王竟滅吳雪會稽之耻稱大將軍以為太名之下難
居乃裝其輕寶與其徒屬浮海出齊變姓名自謂鴟夷子皮耕
於海畔居無幾置產數千萬齊人聞其賢以為相蠡喟然曰居
家則致千金居官則致卿相此布衣之極也久受尊名不祥乃
歸相印盡散其財以與知友懷其重寶間行以去止於陶以為
天下之中通為生自號陶朱公

更生改名

劉向本名更生恭顯等誣譖堪猛更生傷之乃著疾詭摘要後
更名向

既貴歸姓

范文正公二歲而孤隨母改適山長朱氏遂冒姓朱後歸葬范

以甲乙名

以下係命名

殷蒙質直故以生日名子尚書言太甲帝乙武丁是也不以子
丑名者何也曰甲乙者幹也子丑者枝也幹者本本實故以甲
乙為名也 白虎通

以尼丘名

叔梁紇與顏氏女禱於尼丘生孔子孔子生而首上圩頂故名
丘字仲尼 史

以鯉名

伯魚之生適有饋孔子魚者喜以為瑞故名鯉

以柳樹名

展禽之家有柳樹身行惠德故號曰柳下惠 淮南子

以同物名

威六年九月子同生丁卯以太子生之禮舉之接以太牢丁卯下生負之士妻食之公與文姜宗婦命之公問名於申繻對曰各有五有信有義有象有假有類以名生為信若成季生而有文在手遂命之為友唐叔虞生而有文在手曰虞遂名之虞以德命為義若文上土名曰曰以類命為象若孔子名遂取於物為假若伯魚有人名鯉取於父為類若子同生與父同物不以國不以官不以山川不以隱疾不以畜牲不以器幣周人以諱事神名終將諱之故以國則廢名以官則廢職以山川則廢生以畜牲則廢祀以器幣則廢禮晉以禧侯廢司徒禧侯名司徒廢為中軍宋以武公廢司空武公名司空廢為司空先君獻武廢二山二山與教也魯獻公名具武公名教是以大物不可以命公曰是其生也與吾同物命之曰

同左後漢鄭玄孫小同以丁卯日生而玄以丁卯歲生故名亦同後漢書

以仇師名

晉穆侯伐條之役生太子命之曰仇其弟以千畝之戰生命之曰成師師服曰異哉君子之名字也夫名以制義義以成禮易則兆亂君命天子曰仇曰成師始兆亂矣兄其替乎

以於菟名見虎門

以蘭名見蘭門

以慕賢名

司馬長卿父母愛之不欲稱氏名天子慕蘭相如之為入遂改名相如

以門閭名

晉賈充字公闕。父逵晚始生充。言後當有充闕之慶。故以命名。字焉。

以名為戲

梁何敬容為尚書令。淺於學術。拙於草隸。署名敬字大。作苟小。為文容字大。為父小。為口陸。僂見而戲之。曰公家苟既奇大。父亦不小。敬容不能答。

字則未聞 以下係命字

孟子名軻。字則未聞。或曰字子輿。一字子車。

以臺命字

趙岐字邠卿。初名嘉。其祖為御史。岐生於御史臺。因字臺卿。

謹犯父字

魏司馬朗字伯達。九歲客有道。其父字者。朗曰。慢人親者不敬。其親者也。客謝之。魏常林事同。見年齒門。

以戲命字

阮季母祖姑家胡婢也。父咸通之。生季。咸遺姑書曰。不意今日遂生胡兒。姑答曰。靈光殿賦云。胡人遙集於上楹。便可以遙集。為字。咸從之。

古今文集

雜著

姓氏諸說 見前姓氏門

各號花書

唐人初未有押字。但草書其名，以為私記。故號花書。韋陟五雲體是也。余見唐誥書名，未見一楷字。今人押字，或多押名。猶是此意。王荆公押石字，初橫一畫，左引脚，中為一圈。公性急，圈多不圓，往往高匾而橫畫又多，帶過。嘗有密譏公押及字者，公知之，加意作圈。一日畫楊蟠，差遺，勅作圈，復不圓，乃以濃墨塗去。旁別作一圈，蓋欲矯言者。楊氏至今藏此勅。石林燕語。

名同行異

陸龜蒙

邵侯姜女之生子也。始棄之，命之曰棄。宋芮司徒之生女也。始棄之，亦命之曰棄。邵為稷官，蒸民賴之。宋棄美而生，佐幾移宋祚。名之同也。奚傷舜重瞳子，項羽亦重瞳子。形之類也。奚病擇其道，何耳。雜記。

慕古賢名

顏之推

昔司馬長卿慕蘭相，如故名。相如顧元歎慕蔡邕，故名。雍而後漢有朱張字孫卿，許暹字顏面。梁世有庾婁，嬰祖孫登，連古人名，為名字鄙才也。昔文饒不忍罵奴為畜產，今世愚人遂以相戲。或有指名為豚犢者，有識旁觀，猶欲掩耳。况當之者乎。家訓。

名本而字末

君之於臣，先生之與其門人，名之可也。至於同官之於僚黨，同姓之於昆弟，同門之於朋友，可以稱其字，而不可斥其名。故公羊傳曰：名不如字者，非謂其人之名不如其字，尊乃謂為人所字則近乎見尊，為人所名則近乎見卑也。古之君子之名，子也。必以信義而擇淑令，所以祥其名也。不以官職所以殊其名也。

不以畜幣所以重其名也不以隱疾所以顯其名也通告內外所以昭其名也書而藏之所以寶其名也賤者避焉所以貴其名也冠而有字所以尊其名也名成乎禮字依乎名名字之本字名之末也為本故尊為末故卑尊故其禮詳卑故其略且婦人無名故賤於丈夫野人無名故賤於學士名者已之所以承尊尊者之所以命已字則已之所以接卑卑者之所以稱已未有用之於尊而為卑用之於卑而為尊者也太平御覽載秦雜著 係命名

二子名說

蘇明允

輪輻蓋軫皆有軾乎車而軾獨若無所為者雖然去軾吾未見其為完車也軾乎吾知爾之不外飾也天下之車莫不由軾而言車之功轍不與焉雖然車作馬斃而患不及轍是轍者禍福之間也轍乎吾知其免也矣

童子林子名說

陳君舉

古人之名惟所遇焉斯取之矣非擇也商以上迭以甲乙命蓋雜紊而無當至於周諱行而名始尊然曰顛曰天非美辭也而取之以名春秋之世猶不厚乎名衛有石惡晉有轅戾齊有陳逆楚有屈蕩周有史佚夫數辭者皆人之愧焉而至不美者也而取之以名展禽解狐若是者則有取乎物之賤者以自名下而漢晉士方以名相高唐以來士無陋名名美而人才日卑嗟夫專於其內而不張於其外急乎其外而不勵乎其內古今人之異也宜哉而二子之請甚矣其非古人之意也名不若人汲

汲乎求治之心不若人則姑徐徐而已耳。蓋亦及其本乎。雖然
二子以自治之請來。余又何可辭之。於是名童子曰用中。林子
曰。毅童子愿而固。林子弱而淨。以其名之得微中乎。心夫二子
由是焉而反之。斯名也。其猶二子之益友乎。里名勝母。曾參不
入彼里。名豈足以免吾孝哉。而君子亟去焉。亦合內外之道也。
然則二子之請於余。余不吝於二子。雖非古人之意。是亦古人
之意而已矣。

朱甥子臧名說

陳君舉

吾兄有朱甥者。每遇子持尺紙拱而問名焉。子曰。爾何若名之
問也。人能美名。名不能美。入淑爾身。雖陋爾名。人不淑。議也。爾
身之不淑。假而以丘軻自號焉。天下莫之予矣。是故古之為名

姑用是馬。別稱道而已矣。賢否不係也。爾何名之問也。雖然童
子而知問名。可嘉也。凡人之善。自一念而為也。故愚莫大於無
慕學。莫強於自與。爾知重而名。則必知重而身矣。噫。是念足以
為善矣。吾故名爾曰子臧。而猶未爾字。越十年。吾將爾考焉。而
不負吾名字。爾未晚也。

古詩

命子

前段見宗族門

陶淵明

卜云嘉日。占亦良時。名汝曰儼。字汝求思。溫恭朝夕。念茲在茲。
尚想孔伋。伋庶其企。而厲夜生子。遽而求火。凡百有心。奚待於我。
既見其生。實欲其可。人亦有言。斯情無假。日居月諸。漸免於孩。
福不虛至。禍亦易來。夙興夜寐。願爾斯才。爾之不才。亦已焉哉。

詩話

同榜改名

宋郊字伯庠在翰林有指公姓名傳以他說者公因請更名嘗
移書葉道卿清臣目為同年葉荅云清臣宋郊榜第六人登第
徧閱小錄無宋庠者不知何許人公荅詩云紙尾勤勤問姓名
禁林依舊玷華纓莫驚書錄題臣向便是當年劉更生

雜著 係命字

字可為氏

古者名以正體字以表德名終則諱之字乃可以為孫氏孔子
弟子記事者皆稱仲尼呂后微時嘗字高祖為季至漢爰種字
其叔父曰絳王丹與侯霸子語字霸為君房江南至今不諱字

古不諱字

或問子思稱夫子為仲尼先生曰古人未嘗諱其字程先生云
予年十四五從周茂叔本朝先輩尚如此伊川亦嘗呼明道表
德如唐人尚不諱名杜甫詩云白也詩無敵李白詩云飯顆山
頭逢杜甫 朱語錄

江南祝有道字序

黃魯直

黔川祝林宗因知命問字於浩翁浩翁字之曰有道而告之曰
漢東國士惟郭有道尚友千載雖遠可到廓爾曾次以觀群躁
張說子難字說 黃魯直

南陽張說子難嘗以名字求余為序余辭以不能而求不已子
難温成后家明戶方燦燦然觀子難折節僚友間如寒士不可

謂不智。予嘗以人所不能耳之語犯之。而子難不怒也。不可謂不強強。且智是將升君子之堂。孰能禦之。則告之曰。君子易事而難說。聖人語也。彼可以怒而去。可以拊而來。皆凡民耳。維君子於此道。飲則列於樽彝。食則形於籩豆。坐則伏於几。立則垂於紳。升車則鸞和與之。言張樂則鍾鼓為之。說顛倒風雨而守此道者。猶晏然。彼方脅有求。入獻笑。不情必且莫逃於水鑑之中。雖然。聾者妙於見秋毫之末。而聵者聽微惟絕利一源耳。不夫害道者。無自而入道。審成為少吏。必陵其長吏。為入上操下。如東溟王肅。方於事上而好下。俟已。在已則昧。在入則昭。此亦學士大夫之同病哉。君子之待人也。或不屑之。教誨紳人之司。嚙使我化。而與之歸。故神其經物而不疾。甘鼠齒入而不知。寇

在外而關壯弱可不戒哉

稱呼

群書要語 國君不名。卿老世婦。大夫不名。世臣姪婦。士不名家。相長姜。君大夫之子不敢自稱曰余小子。大夫士之子不敢自稱曰嗣子。其不敢與世子同名。曲禮 自稱曰老夫。曲禮 君子疾沒世而名不稱焉。語 古者稱師曰先生。韋昭辨名 府君夫人。漢人碑已有之。只是尊神之辭。府君如官府之君。或謂之明府。今人亦謂父為家府。朱語錄

詩 其愧丈人厚。杜 愁吟獨老翁。杜 時呼張丈喚敖兄。白 晚歲當為田舍翁。柳 今為紅藥主人翁。歐

古今事實

天子稱朕

始皇已并天下。李斯等議曰：有天皇有地皇，有秦皇。秦皇最貴。臣等昧死，上尊號。王為秦皇，命為制，令為詔。天子自稱曰朕。蔡邕注曰：朕，我也。古者上下共稱之。至秦然後天子獨以為稱。

稱天子曰陛下

李斯等議曰：今陛下興義兵，誅殘賊，蔡邕注：陛下，階也。天子必有近臣立於階側，以戒不虞。謂陛下者，群臣與天子言，不敢指斥，故呼在陛下者與之。言因卑達尊之意。

稱天子曰官家

李侍讀仲容善飲，號李萬回。直禁飲量無敵。飲則詔公。一夕上

命巨觥，仲容曰：告官家免巨觥。上因問何故。謂天子為官家，仲容舉蔣濟萬機論曰：五帝官天下，三王家天下。兼三五之德，故曰官家。上大喜曰：所謂君臣千載遇。李曰：惟有忠孝一生心。湘山野錄

自稱牛馬走

司馬遷上狂少卿書，自稱太史公牛馬走。

推尊曰公

馬融告高密縣為鄭玄，特立一鄉曰鄭君好學。實懷明德。昔太史公廷尉于公，謁者僕射鄧公，皆漢之名臣。又四皓有東園公、夏黃公、潛光、隱耀，世嘉其高，皆自稱公。然則公者仁德之正號，不必三事大夫也。今鄭君鄉宜曰鄭公鄉。

呼鼠子

魏文帝詔曰此鼠子自知不能保爾許地也孫權傳注

婦人鄉壻

王安豐婦鄉安豐安豐曰婦人鄉壻禮為不敬後勿如之婦曰親愛鄉故鄉鄉我不鄉鄉誰復鄉鄉

同儕稱鄉

庾敳字子嵩王衍不與敳交敳鄉之不置衍曰君不得為耳敳曰鄉自君我我自鄉鄉我自用我家法鄉自用卿家法衍甚奇之雜錄

呼小子

王爽嘗與會稽王道子飲道子醉呼爽為小子爽曰亡祖長史

與明文皇帝為布衣交亡姑亡姊仇襪一官何小子之有

自稱僕

宋劉凝之隱居南郡臨川王義慶鎮江陵遣使存問答書曰頃首稱僕不為百姓禮人或譏之凝之曰未聞巢許稱臣堯舜時戴顓與衡陽王義季書亦稱僕

稱公輕脫

宋顏延之傳何偃路中遙呼延之曰顏公延之以其輕脫答曰身非三公之公又非田舍之公又非君家阿公何以見呼為公偃慙而退

貴不可鄉

齊陸慧暉未嘗鄉士大夫或問之答曰貴人不可鄉人生何容

正輕重於懷抱

稱第行

北齊張稷為豫章王暕主簿與劉繪俱見禮接未嘗呼名呼為劉四張五劉逖為開府參軍文宣崩文士並作挽歌楊愔擇之負外郎盧思道用八首逖用一首中書侍郎李愔戲逖曰盧八問訊劉上逖銜之後中書侍郎李愔獻賦逖摘其文奏曰誹謗先朝武成怒大加鞭朴逖喜復前憾曰高提兩下執鞭一百何如呼劉一時

稱張底

崔湜為中書令張嘉貞為舍人湜輕之嘗呼為張底後議事皆出人右湜驚曰張底乃我輩一般人此終是其坐處隋唐嘉話

天子不名

李吉甫帝尊在之官而不名郭子儀代宗不名呼為大臣陸贄入翰林年尚少以才幸天子董行呼而不名權德輿作贄集序有時燕語不以公卿指名但呼陸九

天下不名

張九齡開元後天下稱曰曲江公而不名李德裕天下士歸重不敢有所斥稱贊皇公而不名元德秀天下重其行謂之元魯山而不名

歇後鄭五

鄭蔡本善詩其語多俳諧故使落調世共號鄭五歇後體昭宗署班簿曰可同平章事時省吏走其家上謁蔡笑曰諸君誤矣

人皆不識字宰相不及我吏言不妄俄聞制詔下搔首曰歇後
鄭五作宰相事可知矣

古今文集

雜著

稱家及家姑

顏之推

昔侯霸之子孫稱其祖父曰家公陳思王稱其父曰家父母曰
家母潘尼稱其祖曰家祖古人之所行今人之所笑也今南北
風俗言其祖及二親無云家者田里猥人方有此言耳凡與人
言言已世父以次第稱之不云家者以尊於父不敢家也凡言
姑姊妹女子已嫁則以夫氏稱之在室則以次第稱之言禮成
他族不得云家也子孫不得稱家者輕略之也蔡邕書集呼其

姑女為家姑家妹班固書集亦云家孫今並不行為也凡與人言
稱彼祖父母世父母及長姑皆加尊字自叔父母以下則
加賢字尊卑之差也王羲之書稱彼之母與自稱已母同不云
尊字今所非也 家訓

自釋

元結

河南元氏望也結子字名也次山結字也世業載國史世系在
家謀少居商餘山著元子十篇故以元子為稱天下兵興逃亂
入猗玕洞始稱猗玕子後家濼濱乃自稱浪士及有官人以為
浪者亦漫為官乎呼漫郎既客樊上漫遂顯樊左右皆漁者少
長相戲更曰整叟彼謂以整者為其不相從聽不相鈎加帶簪
簪而畫船獨聲齒而揮車酒徒得此又曰公之漫其猶整乎公

守著作不帶笏簪乎。入漫浪於人間，得非整齋乎。公漫又矣，可
以漫為叟於戲。吾不從聽於時俗，不鈞加於當世。誰是整者，吾
欲從之。彼整叟不慙帶乎笏簪，吾又安能薄乎著作。彼整叟不
羞齋於隣里，吾又安能慙漫於人間。取而尤汝也。醉人議當
以漫叟為稱，直荒浪其情性，誕漫其所為，使人知無所有，無
所將待，乃為語曰：能帶笏簪，全獨而保生，能學整齋，保宗而全
家聲也。如此漫乎非耶。

稱公非一義

柳宗元

天子之三公稱公，王者之後稱公，諸侯之入為王，卿士亦曰公。
有土封其臣，稱之曰公，尊其道而師之，稱曰公。楚之僭，凡為縣
者皆曰公。古之人通謂年之長老曰公，故言三公若周公、召公、

王者之後若宋公、為王卿士若衛武公、號文公、鄭桓公，其臣稱
之則列國皆然。師之尊若太公、楚之為縣者若葉公、白公、年之
長老若毛公、申公、涪公。房公墓誌

稱閣下執事

古者三公開閣而郡守比古諸侯亦有閣，故有閣下之稱。前輩
與大官書多呼執事，與足下。劉子玄與宰相書曰：足下韓退之
與張僕射書曰：執事，即其例也。惟執事則指左右之人，尊卑皆
可通稱。又自卑遵尊例云：座前尤非也。閣下降殿下一等座前
降几前一等，豈可僭用哉。因話錄

封母加太字

故事：臣僚封贈母祖母，不問生歿，並加太字。曰：太夫人、太君、政

和間待制劉安上建言大者事生之尊稱也封母而別之所以致別于其婦既歿並祭于夫若加之尊稱則是以尊臨其夫也。以尊臨夫于名義疑若未正自是始詔命婦追封並除去太字。逮紹興新書復仍舊制。晏尚書敦復領吏部援劉待制言申明。且引漢文帝紀七年冬十月令列侯太夫人夫人無得擅徵捕。注謂列侯之妻稱夫人列侯死子復為列侯仍得稱太夫人蓋此義也。於是追封始不復稱太云按帝者之祖稱太皇太后稱母皇太后既升祔止稱皇后正此比也。却歸編

稱外姓親

近世故家惟晁氏因以道申戒子弟皆有法度群居相呼外姓尊長必曰某姓第幾叔若兄諸姑尊姑之夫必曰某姓姑夫某姓尊姑夫未嘗敢呼字也其言父黨交遊必曰某姓幾丈亦未嘗敢呼字也當時故家舊族皆不能若是

後世分等第

洪景廬

東坡云凡人相與號呼者貴之則曰公賢之則曰君其下則爾汝之雖王公之貴天下貌畏而心不服則進而君公退而爾汝者多矣予謂此論特後世之俗如是耳古之人心占一致事從其真雖君臣父子之間出口而言不顧忌觀詩書所載可知矣。容齋隨筆

跋許將狀元與蔣穎叔樞密帖

洪景廬

前輩與執政書亦猶字之令人年未三十一舉於禮部則鄉先生不敢字之且曰張丈李文丈矣嗚呼其益薄矣夫

贈梅生說

陳君舉

古者士相號曰子若生子若生非所以賤薄人之稱也能以其
 姓配焉而著者蓋鮮矣商而上惟箕子以子著周襄著莫如孔
 子孔子之徒則顏子魯子有子以子著餘未有聞焉春秋之所
 貴者子之如季子高子是已詩之所美者亦子之若彼姝者子
 是也太史公列傳得子稱者老子孟子荀子樗里子數人而已
 劉氏七略以子稱者七十有六而獨荀子揚子著自唐韓柳今
 天下未有盡子之也至於生著焉者蓋鮮魯有兩生楚有韓生
 皆以生著者也漢之世則鄴生賈生伏生歐陽生轅生高堂生
 胡毋生而蕭望之號東海蕭生然不以生著天下豈賤薄人之
 辭哉世之澆士甚於相謂下之所號乎上者匪君若公上之所

號乎下者亦匪君若公以子若生號人人則以怒予悲之今梅
 生以技遊不藉乎四民而操日者之說以行乎世世之喜福而
 懼禍幸天而憐人者則宗生而予非宗生之說者也以予疾世
 之誦而又非宗生之說者則以生而號焉亦矣不足者而亦怒
 以不受噫予何愛於君若公而不以悅生哉予而愛夫君若公
 而不以悅生者宜亦有所感焉者矣生謂斯何遂以為梅生贈
 詩話

聞人請官稿

呂其公歸老於洛嘗遊龍門還聞者執筆歷請官稱公題以詩
 云思山乘輿看山回烏帽綸巾入帝臺聞更不須詢姓字也魯
 三到鳳池來後山詩話

稱蘇二

東坡解纜赴黃州山谷嘗避暑城西李氏園題兩詩於壁其一
章云荷舞竹風宜永日水壺涼簟不能迴題詩未有驚人句會
喚謫仙蘇一來秦少游言於東坡曰以先生為蘇一天似相薄
志林

稱黃九

山谷有茶詩押腸字韻和者以數四山谷最後有曲几團蒲聽
煮湯煎成車聲遠羊腸之句東坡見之云黃九恁地怎得不窮
故無處復和云車聲出郭細九盤如此佳句誰能識志林

稱歐九見強記門

新編古今事文類聚卷之二終

新編古今事文類聚後集卷之三

建安

祝穆

和父

編

建業

唐富春

子和

梓

人倫部

名諱

群書要語禮不諱嫌名一名不徧諱遠事父母則諱王父母不
遠事父母則不諱王父母君所無私諱大夫之所所有公諱詩書
不諱臨文不諱廟中不諱夫人之諱雖質君之前臣不諱也婦
諱不出門大功小功不諱曲禮

古今事實

事類彙編後集

卷之三

古者不諱

文王諱昌而箕子為武王陳洪範曰使羞其行而邦其昌昌屬王諱胡而其子宣王時詩曰胡不相畏此詩書不避也 周頌祀文武之樂歌雖曰克昌厥後噫嘻曰駿發爾私此廟中不諱也春秋僖公名申而書戊申定公名宋而書宋仲幾莊公名同而書同盟此臨文不諱也

臣不為君諱

衛侯諱惡其臣亦有石惡左傳

漢唐為君諱

漢呂后諱雉令臣呼雉為野雞 武帝諱徹改徹侯為通侯 光武諱秀改秀才為茂才 明帝諱莊改莊助為嚴助 唐高

祖諱淵改劉淵為劉元海改戴淵為戴若思

以同字代父諱

司馬遷報任少卿云同子駿乘蓋指趙談與其父同諱故曰同

不避父名

桓玄呼人温酒自道其父名既而曰英雄正世說處疎

內諱不出門

王述為揚州刺史初至主簿請諱報曰亡祖先尊名播海內遠近所知內諱不出門餘無所諱

因名改官稱

羊祜為荊州刺史及卒有遺愛州人懷之為諱其名改戶曹為辭曹焉

故犯其名
度支尚書宗如周有人訴事譴曾作如州官也乃曰某有屈滯
故來訴如州官如周曰爾何人敢呼我名其人慚謝曰抵言如
州官作如州不知如周官名如周早知如周官名如周則不敢
喚如州官作如州如周大笑曰令鄉自責見侮反深衆咸服其
雅量北史

以諱為戲

王亮為晉陵太守時晉陵令沈疇之性龔疎好犯亮諱亮不舉
遂啓廢之疇之乃造坐二下官以犯諱被代未知明府諱若為
攸字亮父名攸當作無敬尊傍大為大傍無敬尊若是有心攸
無心攸乞告示亮聞之惶恐不履下牀跣足疇之撫掌大笑而

去齊書

以姓名為戲

宋殷淳字子孚與何勗共食孚羨書勗曰益殷尊羨最司空無
忌子也孚徐輟勗曰何無忌憚

對客不犯諱

梁武帝詔王僧孺改百家譜合一百七十二卷藏在秘閣王弘
好其書曰對客不犯一人諱

不犯嫌名

范曄秦之子為太子詹事固辭朝議以禮不諱嫌名乃居
唐曹曾授中書舍人以父名忠辭不受議者以中書係曹司名
又與曾父名音同字別禮不諱嫌曾乃就職

諱稱父字見世家門
作史避諱

唐高祖之祖諱虎李延壽唐人也作南北史身石虎以李龍易
韓擒虎以韓擒成

諱樂廢飲

常尚書翼有重名生平不飲酒不務歡為家君諱樂也丁用晦芝田錄

諱岳廢樂

劉溫叟父名岳終身不聽樂不遊高台每赴內宴聞鈞奏則涕
泣移時曰若非君命則不至是青箱雜記

諱石避行

徐積以父名石平生不用石器遇石則避行狀

惟諱犯賊

包拯尹京禮上之日吏請家諱公瞑目曰吾無所諱惟諱吏之
有賊惡者翰府名言杜祁公衍嘗言父母之諱在我而已他人

何預焉公帥并門吏請家諱公正色曰下官無所諱但諱取枉

法賊青箱雜記

避丞相諱

尚書省文字下六司諸路例皆言勘會曾魯公為相始作勘當
以其父名會避之也 京師舊有平準務自漢以來有是名蔡
魯公以其父名準亦改為平貨務石林燕語

古今文集

雜著

避諱甚難

顏之推

梁世謝舉甚有聲譽聞諱必哭為世所譏臧逢世臧嚴之子也
 孝元經牧江州遣往建昌督事郡縣民庶競脩歲書有稱嚴寒
 者必對之流涕物情怨駭揚都一士人諱審而與沈氏交沈與
 其書名而不姓此非人情也凡避諱者須得同訓以代之桓公
 名白傳有五皓之稱厲王名長琴有短脩之目不聞謂布帛為
 布皓呼腎腸為腎脩也梁武小名阿練皆呼練為絹乃謂銷鍊
 物為銷絹物或有諱雲者呼紛紜為紛紆有諱桐者呼梧桐樹
 為白鐵樹便似戲笑耳周公名子曰禽孔子名兒曰鯉止在其
 身自可無禁至於衛侯魏公子楚太子皆名蟻虱長卿名太子
 王脩名狗子正有連及理未為通古之所行今之所笑也此土

多有名兒為驢駒豚子者使其自稱及兄弟所名亦何忍哉前
 漢有尹公者歸後漢有鄭翁歸梁有孔翁歸晉有許思妣孟少孤
 如此名字幸當避之名字者當為孫地親識中有諱襄諱周諱
 清和禹交疏造次一座百犯聞者辛苦無悞賴焉家訓

諱辨

韓愈

愈與進士李賀書勸賀舉進士賀舉進士有名與賀爭名者毀之
 曰賀父名晉肅賀不舉進士為是勸之舉者為非聽者不察和
 而倡之同然一辭皇甫湜曰若不明白子與賀爭得罪愈曰然
 律曰二名不偏諱釋之者曰謂若言徵不稱在言在不稱徵是
 也律曰不諱嫌名釋之者曰謂若禹與用丘與區之類是也今
 賀父名晉肅賀舉進士為犯二名律為犯嫌名律乎父名晉子

不得舉進士若父名仁子不得為人乎夫諱始於何時作法制以教天下者非周公孔子歟周公作詩不諱孔子不偏諱一名春秋不譏不諱嫌名者康王釗之孫實為昭主曾參之父名皙曾子不諱昔周之時有騏期漢之時有杜度此其子宜如何諱將諱其嫌遂諱其姓乎將不諱其嫌者乎漢諱武帝名徹為通不聞又諱車轍之轍為某字也諱呂后名雉為野雞不聞又諱治天下之治為某字也今上章及詔不聞諱許勢秉機也惟官官官妾乃不敢言諭及機以為觸犯士君子立言行事宜何所法守也今考之於經箴之於律稽之以國家之典賀舉進士為可為不所耶凡事父母得如曾參可以無譏也作人得如周公孔子亦可以止也今世之士不務行周公孔子之行而諱親之名

則務勝於周公孔子亦見其惑也夫周公孔子曾參不可勝勝周公孔子曾參乃此於官官官妾則是官官官妾之孝於其親賢於周公孔子曾參者耶或諱或不諱

太史公名談故史記無談字季布傳改趙談作趙同范曄父名楚金故為文皆以今為茲韓愈為李賀作諱辨特言在不稱微之說故愈父諱仲卿未嘗諱焉曹志植之子奏議云幹植不強不諱植字三國尤不諱其君名如功以權成是斥孫權之名也孔氏叢說

論漢唐國諱

周人以諱事神然雖詩言克昌厥後嘖嘖言駿發爾私何以不為文武諱耶至於周禮一書七月一詩去古未遠皆未之諱故

禮有昌本之類。詩有夙發之詠。其避諱固未如後世之悉。特不敢指曰文王昌武王發若通用一字則不之諱如穆王名滿其後有王孫滿襄公名鄭諸侯亦有衛侯鄭雖曰魯以獻武廢一山是特當時為尊者諱故改其敖之名而承襲不易厥後又有八孫敖亦足以見泛而言之未嘗諱也。後世諱政而正月且易其音視周為密矣。觀王嘉上封事無教逸欲有國是固為高祖諱矣。及蕭孟諫詩有曰總齊群邦自是而下犯高祖之諱者凡至五六蓋當楚王戊之時去高祖為未久而獨不之諱。豈漢初懲秦苛禁凡事簡易其避諱亦未如後世之悉。至武帝諱徵謂之蒯通固為武帝諱矣。至於景帝名啓史記謂之徵子開而漢紀元封元年詔書有夏后啓母石之言何為不避之耶。顏師

古謂史追書之班固非漢臣子歟。况刑法志建三典以刑邦國與萬邦作孚之類皆不為始祖避何耶。唐陸贄論關中事每曰與理同道罔不興請釋趙貴先罪狀曰脅從罔理韓文進士策問曰堯舜垂衣裳而天下理又曰無為而理者其舜也與。治字皆易為理避高宗諱也。然韓文潮州上表有曰朝廷治平曰為治曰久曰政治少懈曰魏亡治功賀郎位曰君臣相戒以致至治。舉張惟素自代曰文學治行衆所推與何為不避之耶。中宗諱顯而韓文袁州上表曰顯榮頻煩舉常顯自代曰顯映班序至柳子厚鼓吹曲浮水黃篇云羲和顯曜乘清芬皆犯中宗之諱何也。韓公羅池廟碑曰其日景辰矣而賀慶雲表乃曰其日丙戌子厚乎淮夷雅曰命官分土則嵩高韓奕丞人矣而韓賀

即位表乃曰以和萬民又何耶是二者容或刊行之誤而顯治
二字用之非一不應皆誤也

詩話

杜甫諱父名

王立之云老杜家諱閑而詩中有翻七戲蝶閑過慢或云恐傳
者謬又有泛愛憐霜鬢留歡半夜閑余謂皆當以閑為正蓋臨
文恐有自不諱也迂叟李國老云余讀新唐書方知杜甫父名
閑檢閱杜詩果無閑字惟蜀本舊杜詩二十卷內其寒食詩云
隣家閑不遠後王祺本作隣家問不遠其又云魯閃朱旗北斗
閑後見趙仁約說薛問家本作北斗殷由是言則知杜甫之
不用閑字明矣 侯鯖錄

祖父母

群書要語鼻祖始祖也獸之初生謂之鼻人之初生謂之鼻

益謂鼻為祖或謂之鼻祖 楊雄方言 逮事父母則諱王父母不

逮事父母則不諱王父母 曲禮 潘尼稱祖曰家祖 顏氏家訓

古今事實

大父行

鄭當時之友皆大父行

祖父親異

賈逵自為兒戲美常設部位祖父習異之曰汝大必為將 魏志

以視與孫 見年齒門

見祖畫像

魏曹休祖父嘗為吳郡太守休後至吳郡太守官舍見壁上祖父畫像乃下榻涕泣

祖憂後嗣

晉何曾侍武帝宴退告其子道曰國家應天受命創業垂統吾每待宴未嘗聞經國遠圖惟說平生常事非貽厥孫謀之兆也後嗣其殆乎此吾子孫之憂汝等可沒指諸孫曰此輩必遭亂亡及遭之子綏矩兄嵩哭之曰吾祖其殆聖乎

侍養祖母以下係祖母

晉李密字令伯父早亡母改醮祖母劉撫養密後徵為太子洗馬以祖母年老無人侍養乃上表陳情

念祖母病

齊宗元卿早孤為祖母所養祖母病元卿在遠輒心痛大病則大痛小病則小痛以此為常鄉里號為宗曾子

祖母命名

李百藥為童兒時多疾病祖母趙氏故以百藥為名

古今文集

雜著

陳情表

李密字令伯

臣密言臣以險巖夙遭閔凶生孩六月慈父見背行年四歲舅奪母志祖母劉愍臣孤弱躬親撫養臣少多疾病九歲不行零丁孤苦至於成立既無叔伯終鮮兄弟門衰祚薄晚有見息外

無眷功強近之親內無應門五天之童箠執務立形影相弔而
劉夙嬰疾病常在牀蓐臣湯藥未嘗廢離違奉聖朝沐浴清化
前太守臣達察臣孝廉後刺史臣榮舉臣秀才臣以供奉無主
辭不赴會詔書特下拜臣郎中尋蒙國恩除臣洗馬猥以微賤
當待東宮非臣隕首所能上報臣具以表聞辭不就職詔書切
峻責臣通慢郡縣逼迫催臣上道州司臨門急於星火臣欲奉
詔奔馳則以盈病日篤欲苟順私情則告訴不許臣之進退實
為狼狽伏惟聖朝以孝治天下危在故老猶蒙矜育况臣孤苦
特為尤甚且臣少仕偽朝歷職郎署本圖官達不矜名節今臣
亡國殘存至微至陋過蒙拔擢寵命優渥豈敢盤桓有所希冀
但以劉日薄西山氣息奄奄人命危淺朝不慮及臣無祖母無
以至今日祖母無臣無以終餘年母孫二人更相為命是以厚

區不能廢遠臣密今年四十有四祖母劉今年九十有六是臣
盡節於陛下之日長報劉之日短也烏鳥私情願乞養臣之
辛苦非獨蜀之人士及二州牧伯所見明知皇天后土實所共
鑒願陛下矜愍愚誠聽臣微志庶劉僮僕保卒餘年臣生當隕
首死當結草臣不勝犬馬怖懼之情謹拜表以聞

司馬光曾祖政贈太子太保制

蘇軾

勅書曰皇陶邁種德種之遠故其發也難發之難故其報也大
古之君子有種德於百年之前而待報於數世之後者昔聞其
謚今見其人某官某故曾祖某官某篤行有聞信于鄉國懷道
不試遺其子孫天不吾欺再世而顯至於曾孫其德日躋衮衣

事類彙編卷之三
綉裳進位於朝退有事於家廟其致朕命詔於有神尚食其報以康乃後

曾祖母薛氏温國太夫人制

蘇軾

勅朕自通籍之日皆有以寵綬其父母而自祖以上非予承弼之家莫獲褒顯君子之孝至於尊祖以及其妣用邦君之禮以隆其家可謂至矣某官某故曾祖母某氏專靜有守柔嘉維則經之以孝慈縉之以恭儉使清白之訓不墜於子孫而隱德之報可贊於天地我有異數詔於幽靈翟弗副筭尚服其之

祖炫太子太傅制

蘇軾

勅朕有元臣以德媚於上下民見其羽旄聞其車馬之音則稽首而聚觀之况其父祖墳墓所在望其草木蓋有流涕而拜者錫命之寵豈特以慰其家而已哉某官某故祖某官某篤學力行治醜前入仕道難進止於一命無疆之慶在其子孫風流未遠英烈如在歎予寵章以慰民望

祖母皇甫氏温國太夫人制

蘇軾

勅夫天人之際若不可知而善惡之報各以其類凡今富貴壽考光顯於世朕察其父母大父母未有不仁而得之者其官其故祖母某氏令德孝恭著於閭門好礼慈儉刑于姻族始生賢子以大其家而餘澤方茂福祿未究再世之後莫之與京暨冊追榮國有常典庶幾幽壤服我寵靈

父母

事養同 舅姑附

群書要語生日父母死曰考妣曲禮父尊而不親母親而不尊

表親身者父母之遺休可不敬乎祭義父母愛之喜而不忘父

母惡之勞而不怨父母有過諫而不逆父母全而生之子

全而歸之一舉足而不敢忘父母一言而不敢忘父母可

謂孝矣並同初六幹父之蠱九二幹母之蠱家人有嚴君焉

父母之謂也家人蓼莪我孝子不得終養爾蓼莪者我匪我伊蒿

哀哀父母生我劬勞無父何怙無母何恃出則銜恤入則靡

至父兮生我母兮鞠我拊我畜我長我育我顧我復我出入

腹我欲報之德昊天罔極並蓼陟岵孝子行役思念父母也陟

彼岵兮瞻望父兮陟彼岵兮瞻望母兮魏風南陔孝子相戒

以養也小雅父兮母兮畜我不卒日月否則侮厥父母曰昔之

人無聞知無逸故親生之膝下以養父母孝經身體髮膚受之

父母不敢毀傷立身行道揚名於後世以顯父母同上事父

母能竭其力學而事父母幾諫見志不從又敬不違勞而不怨

里仁父母在不遠遊遊必有方父母之年不可不知也一則

以喜一則以懼同上父母之心人皆有之勝文仰足以事父母

俯足以畜妻子梁惠君子有三樂而王天下不與存焉父母俱

存兄弟無故一樂也盡心父能生之不能養之母能養之不能

教誨之荀禮秦人借父耜鉏慮有德色母取箕帚立而誅語賈

誼策旦夕得甘毳以養親聶政傳

舅姑婦事舅姑如事父母曲禮舅沒而姑老傳家事於子婦禮

室無空虛婦姑勃磈非外婦姑不相悅則及扞而相稽注

計

也賈誼傳歌曰敬尊董嫫以忽顏師古曰尊董猶言尊姑也廣川王傳

詩句妾身未分明何以拜姑嫜杜

古今事實

舜為大孝

岳曰瞽子父頑母嚚象傲克諧以孝堯典大孝終身慕父母五

十而慕者於於大舜見之矣萬章

文王太孝

文王之為世子朝於王季曰三禮

武周達孝

孔子曰武王周公其達孝矣乎夫孝者善繼人之志善述人之事者也

曾子養志

孟子曰曾子養曾皙必有酒肉既徹必請所與問有餘必曰有

曾皙死曾元養曾子必有酒肉將徹不請所與問有餘曰亡矣

將以復進也此所謂養口體者也若曾子則可謂養志也事親

若曾子者可也

曾子受擊

曾子嘗有為不中曾皙怒援木擊之曾子有頃乃蘇退鼓瑟而

歌孔子聞之告門人曰參來勿納也昔舜事瞽瞍索而使之未

嘗不在側索而殺之未嘗不可得而小箠則受大箠則走今曾

子未嘗待暴怒以陷父不義不孝孰大焉說苑

三釜不及

曾子曰吾及親仕三釜而心樂後仕三千鍾而不瀟吾心悲莊
子曾子曰往而不可還者親也故孝欲養而親不待是故推牛
而養不如雞豚之逮親存也初吾為吏祿不及釜尚欣欣而喜
者非以為多也樂其逮親也既沒之後吾嘗南遊於楚得尊官
馬堂高九尺傳嘗百乘然猶北嚮而涕泣者非為賤也悲不逮
吾親也故家貧親老不擇官而仕韓詩外傳

閔子之孝

孔子曰孝哉閔子騫人不間於其父母昆弟之言

百里負米

子路曰家貧親老不擇祿而仕昔者由也為親百里負米親沒
南遊於楚從車百乘累袒而坐列鼎而食願負米百里豈可得

乎木欲靜而風不停子欲養而親不逮枯魚銜索幾何不盡一
親之壽忽如過隙悲哉家語

啜菽飲水

子路曰傷哉貧也生無以為養死無以為葬子曰啜菽飲水盡
其歡斯之為孝禮

風木思養

孔子出行聞有哭聲甚悲至則臯魚也。被褐擁劍哭於路左。孔
子下車而問其故。對曰。吾父好學。周流天下。而吾親死。一失也。
高尚其志。不事庸君。而晚無成。二失也。失交游。寡於親友。而
老無所託。三失也。夫樹欲靜而風不止。子欲養而親不待。往而
不可返者。年也。逝而不可追者。親也。吾于是辭矣。立哭而絕于

是孔子之門人歸養親者二十三人

韓詩外傳

老萊戲采

老萊子老養，一親行年七十，嬰兒自娛，着五色采衣，嘗取顰上堂，跌仆，因臥地為小兒啼，或弄鳥鳥於親側。高士傳

伯俞泣杖

韓伯俞有過，其母笞之，泣。母曰：他日未嘗泣，今何泣？對曰：他日得笞常痛，今母之力不能痛，是以泣也。說苑

休沐謁親

石慶為內史，建老白首，萬石君尚無恙，每五日洗沐，歸謁親，入子舍，竊問侍者取親中褻廁胸身，甘酒以為常。

為親捧檄

毛義家貧，以孝行稱，府檄以為郡守，義手捧檄而入，喜動顏色，張奉薄之，後義母亡，遂不仕，奉歎曰：在日之喜，乃為親也。

王尊孝子

王尊遷益州刺史，先是王陽為益州，至却峨九折坂，嘆曰：奉先人遺體，奈何！數乘此險，後以疾去。及尊至此，坂間吏曰：此非王陽所畏道耶？吏曰：是尊比其馭，曰驅之。故世以王陽為孝子，王尊為忠臣。

捨養入京

歐陽詹，閩人也。父母老矣，捨朝夕之養，以來京師，其心將必有得而歸為父母榮也。雖其父母之心亦皆然，詹在側，雖無難憂，其志不樂也。詹在京師，雖有離憂，其志樂也。若詹者，所謂以志

養志者歟韓文

諸生歸養

陽城為國子司業引諸生出之曰學者所以學為忠與孝也諸生有父不歸省其親者乎明日謁城歸養二十輩有二年不歸侍者斥之

作相親存

唐宰相二親存者惟元振一人李昌撰郭元振行狀宋宰相最少者惟王溥罷相時父母皆在人以為榮富弼入中書時年五十二太夫人在堂康強後三年太夫人薨有司議贈卹典云無見任宰相丁憂例是歲二月春宴百司已具訃一夕有旨富弼姊喪在殯特罷宴此事亦世所未有歸田錄

親老不仕

包孝肅公拯始及第以親老侍養不仕者且十年當時莫不稱其孝言行錄

貴思養親

范文正公為參政時告諸子曰吾貧時與汝母養吾親汝母躬執爨而吾親其旨未嘗克也今而得厚祿欲以養親親不在矣汝母亦已蚤世吾所恨者恐汝若曹享富貴之樂于是俸賜常均於族人并置義田宅云

割股和藥

張密學奎性篤孝為御史時母病乃齋戒割股肉和藥進之母病遂愈行狀

割股進糜

雷孝子者名天錫年十一父疾甚天錫從母奩中竊剔刀割股
縷切實糜中以進父飲之下咽輒甦病良已范石湖作傳

姑留其婦以下係舅姑

鄒孟軻既娶將入室其婦祖於內孟子不悅遂去不入婦辭毋
求去姑召軻而謂之曰夫禮將上堂聲必揚所以戒人也將入
戶視必下恐見入過也今子察於禮而責於妻不亦遠乎孟子
遂留其婦謝之君子謂孟母知禮而明姑婦之道列女傳

自咎悟姑

樂羊子妻不知何氏女嘗有他舍雞謬入垣內姑盜殺食之妻
對不食而泣姑恠問故妻曰自傷居貧使食他肉姑悟竟棄之

痴聾姑公

宋庾仲文傳何尚之奏曰仲文嘗言不痴不聾不成姑公

託喻痴聾

隋長孫平為工部有告都督那紹非毀朝廷為憤憤者文帝怒
將斬之平奏曰諺云不痴不聾不成大家翁上乃赦紹郭暖
嘗與昇平公主妻慈不調暖罵公主倚乃父為天子我父嫌不
子主恚入奏上曰他父實嫌天子不作使不嫌社稷豈汝家有
也尚父抱駁詣朝堂待罪上曰不痴不聾不成大家阿翁小兒
女聞闖之言大臣安用聽賜養而遣之尚父杖暖數十語錄

古今文集

雜者

鄆人對

韓愈

鄆有以孝為旌門者乃本其傳於鄆人曰彼自剔股以奉母疾愈大夫以聞其令尹令尹以聞其上上俾聚士以旌門使勿輸賦欲為後勸鄆大夫嘗曰他邑有是人乎愈曰如疾則聞烹飪藥石以為是未聞毀傷支體以為養在教未聞有如此者苟不傷於義則聖賢當先衆而為之也是不幸因而且致死則毀傷滅絕之罪有歸矣其為不孝得無甚乎苟有合乎孝之道又不當旌門蓋生人之所宜為曷為異乎既以一家為孝是辨一邑里皆無孝矣以一身為孝是辨其祖父皆無孝矣然或陷於危難能固其忠孝而不苟生之逆亂以是而死者乃旌表門閭爵祿其子孫斯為法為勸已矧非是而希免輸者乎曾不以毀傷

為罪滅絕為憂不腰於市而已黷於政况復旌其門

思歸賦

王逢原

祿有可慕祿有可去何則移孝為忠曾無內顧則祿可慕而可據上有慈顏以喜以懼故祿可去而不可寓噫吾父八十母髮亦素尚爾為吏負焉遐路嗷嗷晨為其子反哺我豈不如養其誰訴惟秋之氣慘慄而感人日興愁思側睇江濱憶為童子當秋凜辰百果始就迭進其珍時則有紫菱長腰紅芡圓實牛心綠蒂之柿獨苞黃膚之栗青芋連區烏棗五出鴨脚受彩而微核木瓜鏤丹而成質赤乳之梨頰壺之橘峰湧滄澗楨檀漬蜜膳羞則有鳩鷓野鴈澤亮鳴鶉清江之膏蟹寒水之鮮鱗肩以紫薑鞋以芟首觴浮更菊俎薦菁韭坐山溪之松篁掃門前之

東坡先生集卷之三
桐栝僕侍不詳圖書左右或靜默以終日或歡言以對友信吾
心之所樂安間里其滋又切切余懷欲辭印綬固非效淵明之
所編心耻折腰於五斗蓋自成人乃今未嘗一日侍妾而稱壽
豈得不決去於此時將恐貽患於厥後

律詩

送許八拾遺歸江寧覲省

杜甫

詔許辭中禁慈顏赴北堂聖朝新孝理祖席倍恩光
內帛擎偏重官衣美更香淮陰清夜驛京口渡江航
春隔雞人書秋期燕子涼賜書誇父老壽酒樂城隍
看畫曾餓渴追蹤恨綠苔虎頭金粟影神妙獨難忘

甫昔時於許生處乞在招寺維摩圖樣

送唐州崔使君侍親赴任

白居易

連持使節歷專城獨賀崔侯最慶榮
烏府一拋霜簡去朱輪四從板輿行
發時正許沙鷗送到日方兼竹馬迎
惟慮郡齋賓友少一盃春酒共誰傾

新編古今事文類聚後集卷之三 終

事類後集

卷之三

終

早稲田大学図書館

011488505604